

15/22 NOV 1975 + XXII

CARTA A «FONSU»

Busteásán. Suronda de 1975

Siñor Fonsu de ca Pichu,
L'Alemania.

(De médicus ya curandeirus de calea)

Queridu Fonsu: Veis venire pacó agora pu la suronda ya quies que te busque un médicu pa que te quite el cuxú qu'agarraste prehfí acushó. Buenu, tienes que decime se quies un siñor cun títulu ou sin él. Estu ya de muita importancia porque se quies un médicu tituláu alcuéntrutelu enseguidina pa que te esqueire na más ñegare, peru se quies un curandeiru entós hay que asperar muito pu la vez. El médicu que tien más redulada n'Asturias ya... una curandeira: la bruxa de Cabueñes. Pero estu nun ya d'agora. El siñor más famosu que curóu xente preiquí, n'Ubona, foi el padre Feixoo, qu'aprendéu la melecina comu lus capadores ya cumu pudéu. En Xixón tan al par la Residencia del Seguru d'Enfermedá ya la «bruxa» de Cabueñes. A la Residencia ñegan d'algún qu'outru paisanu malu ou muyer priñada escuntraviáu; a la bruxa ñegan a miles a diariu de to lus ñugares d'España. Mui-tus de lus coches ya autocares aparcáu xunta la Residencia son de lus clientes de la «bruxa», qu'atiende esa más xente sola que to lus médicus de la rexión, ya tan de prieta cumu nus Ambulatorius del Seguru. El día que you tuve así acabáunse nun momentu las trescientas chapas que son pa guardare la vez, ya había cien sitios reserváu pa la ñegada d'un tren.

You nun digu que la melecina de calea seia una alternativa válida en ve de la melecina d'Academia. Peró reniegu de to lus demonius cuando oigu que lus médicus denuncian ya persiguen a lus curandeirus. La obligación de lus médicus ya ganáis la partida sin andare a la caza de «bruxas». Porque lu que nun tien duda güey ya que fai muito más dañu d'algunos médicus sueltus, que recetan sin ton ni son melecinas ya antibióticus, que lus curandeirus, que mandan cumere unas poucas de berzas, cumu a gurinus, ya estingarrarse a lu «relax» en sin muvese nin pa'span-tare una mosca.

You nun acetu tampocu que la xente vei a la bruxa de Cabueñes pu la inorancia. A nivel práticu individual la xente

d'aldea tien más sentfu que lu que se chi reconoz. Basta ver cúmu lus más escurus ya atrasáu s'apurannun a cambiare el carru del país pul trator ya'l gadañu pu la segadora. La inorancia que tenemus la xente d'aldea dase a outru nivel.

(La Escuela d'Artes y Oficius)

Fonsu: tienes la casa caendu, chena de sapus ya curuxas. Parez talmente la Escuela d'Artes y Oficius d'Oviéu. Peru nun t'apures, que ñamu you al Pesetu pa que la atenque un poucu ya a Xamín el de Xuacu pa que la reteye algu. Nun tengas miedu, que Xamín nun ruempe las teyas.

(La carretera de Busturniegu)

Cuandu ñegues veis alcuñtratu cun una carretera nueva, la de Busturniegu. Foi lo nunca vistu lu que trabayanun lus vecinus pa facela. Quitandu a Curnetón que se marchóu pa Miñuzucla fai más de veit'añus, lus outrus vecinus dienun el callu todus, ya d'algunu que quixu salise del riego metiénunlu lus outrus al momentu. Se te cuentu que trabayóu hasta el cura ta todú dichu. Ya una bona lástima que nu Menisteriu d'Obras Públicas nun sepan que tienen carreteras tamién n'esta zona, ya que en vez de arreglalas manden papeles de burla preguntandu se estas carreteras son d'utilidá, cumu se preiquí nun hou-biese xente más que el día la fiesta la Vaqueirada, qu'hay fartura.

(Las amarradicças)

Pregúntasme se na braña hay tranquilidad. Del todú. Preiquí nun hay tuchadas cumu nun sea cun lus que vienen a quitanus la sierra, que siempre foi nuesa, de lus vaqueirus ya de lus aldianus. Ente nos hay bona avenencia porque cuando hay que facer algu tócase el turuñu ya deciden lus vecinus na xunta. Asina nun queda situu pa lus que queran andar a candanadas. Nus bailes tamién s'acabanun cuase las amarradicças. Antes a lus que s'empeñaban dábanchis una bona untura ya despuéis puníanlus nu cubertizu. Peru estu nun cambiaba. Hasta que ñegóu un cabu muy acertáu que empezóu a puner multas, ya, cun esu, acabáunse de repente lus llus. La xente aquí tien muito más duelu de la faltriqueira que de la peñeya. Lu que nunca falta —qué se vei facere— ya d'algún angurrientu que se puen a cambiar de

sitiu lus muyones. Dixénunme que na ñouría aparecienun dous muyones cambiáu de situu sin deixar rastru de tierra, cumu se, lus mudasen a mingazus. Peru descubriése a tiempu ya apenas hobu casu.

(Lus calzones del siñor Batalla)

Sientu que nun alcontrastes prehfí lus calzones ya chalecu que chi ñevanun unos escolinus mayuelus al catedrático siñor Batalla de Tetuán. Peru nun hay qu'apura-se que pémeque ya cumpróu outra roupa nun sei se a la Torda ou en casa Silveriu.

(Xunqueira el cueveiru)

Vei ire pa l'Alemania cualquier día Guillermu Maximinu Xunqueira, qu'aparte de tenere un nombre cuase alemán pu lu ñargu, sabe más prehistoria asturiana que naide nu mundu. Ya esu sin chinare las alforxas de piedras nas cuevas asgaya cumu fixenun outrus. Este mozu ta defendiendu él solu lus yacimientos prehistó-ricus asturianos contra el camfín trazáu de la Autopista del Cantábricu. Ya, el día que cuente lu que tien descubiertu en seis años de furar la tierra vei dare muito que falar ya que pensare.

(Dos ñibrus)

Mándute pa lus brañeirus qu'hay prehfí un ñibru de poisías de Camín ya outru de tiatru de Pepe Riveru que se ñama «Despuéis de vieyus gaiteirus». Este tien que ñelu tamién Lulín de Firma, a ver se piensa cambiare de vida ya xuntase cun un casqueiru. Mándute tamién la crítica de la obra de tiatru feita pur D. Ramón García de Castru qu'agora ta fora d'Asturias peru que prontu vulverá pa seguir cun la gran ñabor de xuntar la cultura de lu ñonxe cun la cultura de lu prósimu, cun la cultura asturiana, que nun hay que deixare ninguna de las dúas, ya García de Castru foi de lus primeirus en sostenelu n'esta última etapa de rexionalismu.

Ya, cun esu, alón.

Lus mieus respetus pal siñor Heidegger.

Muitus chuchus pa lus brañeirus que trabayan pal Mercáu Cumún, anque ten rotas las negociaciones cun nos.

Manolín de la Campa